

## O Dev Days radionici

Dev Days je besplatna stručna radionica u organizaciji IT kompanije [Atlantbh](#) koja ima za cilj teorijsku nadogradnju znanja u oblasti razvoja web aplikacija i mogućnost usavršavanja istog na praktičnim zadacima. Namijenjena je studentima, ali i svima onima koji posjeduju osnovno znanje u oblasti programiranja, te isto žele unaprijediti.

Radionica traje dva dana. Učesnici radionice su podijeljeni u timove po maksimalno 5 učesnika, a timovi su raspoređeni tako da učesnici posjeduju različito znanje. Zajednički rad pomaže razvoju timskog rada, ali i prenosa znanja među učesnicima radionice. Prvi dan studenti nakon pripreme računara za rad (kreiranjem potrebnog radnog okruženja), počinju raditi na aplikaciji do kasnih popodnevni sati.

Drugi dan je predviđen za pripremu prezentacija timova, predstavljanje urađenog, te proglašenje pobjednika. Žiri sačinjavaju mentori iz kompanije Atlantbh.

Aplikacija na kojoj rade učesnici tokom radionice je projekat sa Atlantbh prakse. Učesnici dobiju aplikaciju na kojoj razvijaju određene funkcionalnosti, kao što su implementiranje galerije, kreiranje filtera, kreiranje administrator panela i statistike itd.

## Mentorisanje

Mentori učesnicima radionice suiskusni inženjeri iz kompanije Atlantbh, koji posjeduju i iskustvo u mentorisanju praktikanata na Atlantbh praksi. Radionica je koncipirana tako, da osim pomoći mentora iz Atlantbh, studenti imaju mogućnost saradnje sa studentima drugih fakulteta istog usmjerenja. Naime, studenti (npr. ETF-a) mjesec dana unaprijed rade na detaljnom razvoju istih zadatah funkcionalnosti u saradnji sa mentorima iz Atlantbh. Na ovaj način ulaze mnogo dublje u sam problem, te su u mogućnosti usmjeriti učesnike u pravom smjeru tokom trajanja edukacije. Na ovaj način, osim studenata radionice, 4 studenta prolaze mini program usavršavanja, te i na ovaj način doprinosimo unapređenju i razvoju znanja studenata tehničkih fakulteta.

Osim prenosa znanja, studenti na ovaj način imaju mogućnost razvoja međufakultetske saradnje.

## Podrška institucija

Prethodno održana radionica je realizovana uz podršku [Razvojne agencije Unsko-Sanskog kantona](#). Obzirom da Dev Days radionica ima za cilj unaprijediti znanje mladih na lokalnom nivou, te prikazati rad na stvarnom projektu i na taj način pripremiti mlade za rad na tržištu, smatramo da su Regionalne razvojne agencije, kao neprofitne organizacije koje imaju za cilj doprinosu ekonomskog razvoja, pravi partner za ovakve događaje.

Saradnja obrazovnih institucija (fakulteta tehničkog usmjerenja) je neophodna za cjelokupan događaj. Većina učesnika radionice su upravo studenti koji nastoje svoje fakultetsko znanje upotpuniti praktičnim radom.

Direktor Razvojne agencije USK kantona Samir Jodanović: «*Ovo je prvi događaj ove vrste*

*koji se organizirao u Bihaću i nama je drago što smo baš mi bili organizatori, zajedno sa Tehničkim fakultetom i firmom Atlantbh. ICT je jedan od najbrže rastućih sektora, kako u BiH tako i u cijelom svijetu. Smatram da trebamo posvetiti puno više pažnje tom sektoru i da stvorimo bolje uslove za njegov rast kako bi se i zaposlenje mladih ljudi u toj oblasti povećalo, jer su zainteresiranost i motivacija među mladim ljudima veliki. Smatram da su ovim događajem učesnici naučili mnogo toga novog, stekli veće samopouzdanje i dobili još više interesa da učestvuju na ovakvim događajima za koje se nadamo da će ih biti i više u budućnosti.”*

Provedena anketa među učesnicima nakon održane Dev Days radionice pokazala je veliki interes za ovakve događaje. Komentari nekih od učesnika:

*“Sve mi se sviđjelo, organizacija vrhunska!”*

*“Više ovakvih događaja u našem gradu.”*

*“Sve je bilo super, veselim se sljedećim izazovima koje ćete staviti ispred nas.”*

*“Puno se stvari nauči ovako kad se radi na stvarnom projektu sa ljudima koji mogu pomoći kad negdje zapneš, ali mi nemamo puno ovakvih prilika u Bihaću. Svakako bi bilo interesantno da možda nas par sa našeg fakulteta radi na nekoj sličnoj aplikaciji (web, android) uz pomoć vaših ljudi pa da se nešto slično ponovi ako ne u Bihaću onda na nekom drugom mjestu. Sve u svemu super stvar.”*

*“Mislim da je čitav događaj prošao besprijekorno - iako nisam uopšte bila upoznata ni s Javom, niti radom s web aplikacijama, i sve ono što se radilo sam koliko-toliko vidjela prvi put. Ipak, toliko ste me uspjeli zaintrigirati da sam se odmah sutradan prijavila na online kurs programiranja web-aplikacija. Svaka čast, i nadam se da cu do idućeg puta i ja biti jedna od onih koji su 'nosili tim na svojim leđima.”*

*“Organizacija je bila na visokom nivou i zasigurno bih opet prisustvovao događaju ovakvog tipa. Ono što mi se sviđjelo jeste otvorena i slobodna komunikacija između nas, učesnika i cjelokupne organizacije događaja (od studenata ETFa do organizatora). Iz perspektive studenta, smatram da su ovakvi događaji korisni iz razloga što se upoznaje određena pozicija u IT sektoru i dobija jasnija slika o tome kuda dalje u stručnom usavršavanju. Zadaci su bili prilagođeni očekivanom nivou znanja, i uz nešto mentorstva, nisu bili komplicirani za riješiti, međutim bilo bi dobro da je događaj trajao nešto duže kako bi se moglo paziti na detalje prilikom izrade samih zadataka. Sve u svemu, čista 10 za ideju i realizaciju.”*

*“Sve mi se sviđjelo, odlična organizacija, sve odlično, ponovio bih opet.”*

*“Na radionici nam je bilo omogućeno da 24 sata budemo na radnom prostoru, što je rezultiralo izvrsnim rješenjima. Moj tim je konkretno u prostorijama bio od 9 ujutro u subotu do 12 popodne u nedjelju, i radili bismo jos da u 12 nisu bile prezentcije projekata. Budući da su ovi događaji uglavnom namjenjeni za studente smatram da je ovo odličan način da se kroz težnju za pobjedom studenti upoznaju sa prirodom developerskog zanimanja.”*

### **Medijska popraćenost:**

<https://www.fokus.ba/vijesti/bih/uspjesno-odrzana-radionica-dev-days-u-bihacu/733322/>

<https://www.krajina.ba/uspjesno-odrzana-radionica-dev-days-u-bihacu/>

<http://usk24.ba/bihac/odrzana-prezentacija-za-dev-days-dogadaj-na-tehnickom-fakultetu-u-bihacu/>

<http://www.bihac.net/vijest/u-toku-je-prvi-dev-days-u-bihacu-za-mlade-informaticare/36731>

<https://www.cazin.net/vijesti-novi/odrzana-prezentacija-za-dev-days-dogadaj-na-tehnickom-fakultetu-u-bihacu/>

<http://usn.ba/usn-novosti/organizacija-prvog-dev-days-u-bihacu-za-mlade-informaticare.html>

<http://www.uskinfo.ba/vijest/u-toku-je-prvi-dev-days-u-bihacu-za-mlade-informaticare/36731>

<http://www.rtvbihac.ba/index.php/obavijesti/item/4565-dev-days-na-tehni%C4%8Dkom-fakultetu-u-biha%C4%87u>

<http://manager.ba/clanak/uspjesno-odrzana-radionica-dev-days-u-bihacu>

<http://informativa.ba/2017/05/19/uspjesno-odrzana-radionica-dev-days-u-bihacu>

<http://www.fena.ba/article/944410/uspjesno-odrzana-radionica-dev-days-u-bihacu>